

**Aningaasaqarnermut Ataatsimiititaliap suliaq nr. 01.31.06/08-00328 pillugu pingasunngornermi ulloq 14. maj 2008-mi aalajangiinera pillugu Naalakkersuisunut ilisimatitsineq.**

(Naalakkersuisut ulloq 2. maj 2008-mi ataatsimiinneranni imm. 2d)

**Nuussuarmi (Upv) oqaluffiup nappaqqinnissaanut suliap pilersinneqarnissaa**

Naalakkersuisut **inassutigaat**,

- kontomi pingaarnermi 84.45.01-imi, Ilageeqarnermut tunngasumi, suliassaq nr. 166.58.046, Nuussuarmi oqaluffiup nappaqqinneqarneranut tunngasoq, 0 koruunimik aningaasaliissutitalerlugu pilersinneqassasoq.

**Aningaasaqarnermut Ataatsimiititaliap oqaaseqaatai**

Upernaviup pigisaani Nuussuarmi oqaluffik ulloq 6. april 2008-mi nungulluni ikuallappoq.

Ajoqusiisoqarnerani 250.000 kr.-inik nammineq akiligassartaqartumik Namminersornerullutik Oqartussat sillimmasiissutaat aqqutigalugu suliassaq aningaasalersorneqassaaq. Ajoqusiisoqarnerani nammineq akiligassaq kontomit pingaarnermit 70.10.03-mit, Sillimmasiinernut tunngasumit, 150.000 kr.-inik aammalu ingerlatsinermit immikkoortortamit, matumani tassaasumit Kultureqarnermut, Ilinniartitaanermit, Ilisimatusarnermut Ilageeqarnermullu Naalakkersuisoqarfimmit 100.000 kr.-inik akilerneqassaaq.

Suliassap 0 kr.-imik aningaasartallip pilersinneqarnissaa qinnutigineqarpoq. Ajoqusiisoqarnerani nammineq akiligassamut tunngatillugu regningiliortoqartassaaq, tamatumalu kingorna taakku sanaartugassanut iluarsagassanullu aningaasaateqarfimmi suliassatut nutaatut pilersinneqartumi isertitatut nalunaarneqartassallutik.

Illut, tassunga ilanngullugit oqaluffiit nungullutik ikuallassimasut nappaqqinneqarnissaannut nappaqqinneqarnissaallu nammineq akiligassat ilanngaatigereernerisa kingorna sillimmasiissutit iluini ingerlanneqarsinnaatillugu Naalakkersuisut suliniutinik namminneq pilersitsisinaanissaannik piginnaatitsisumik 2009-mi aningaasanut inatsisissatut siunnersuummi oqaasertaliussamik ilanngusseqqullugit Naalakkersuisut Aningaasaqarnermut Ataatsimiititaliamit qinnuigineqassapput.

**Aningaasaqarnermut Ataatsimiititaliap aalajangiinera**

Siuliani allassimasutut paasinnineq naapertorlugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua